

Istinsko lice islama br. 7

# **OBEĆANI MESIJA JE DOŠAO**

AHMADIJA MUSLIMANSKI DŽEMAT  
U BOSNI I HERCEGOVINI

*U ime Allaha, Sveopćeg Dobročinitelja,  
Milostivog!*

Dugo očekivani Mehdi, Obećani Mesija, došao je na ovaj svijet i otišao. Ovo mnogima može izgledati čudno, ali ovo je stvarnost.

Hazreti Mirza Ghulam Ahmad je tvrdio da je Obećani Mesija. On je rođen 13. februara 1835. u Kadijanu, sjeverna Indija, i umro je 26. maja 1908. godine.

Rane godine svog života Ahmad je proveo u proučavanju Časnog Kur'ana, islamske historije i teologije. Njegova mladost i srednje doba, bili su obilježeni strasnom odanošću Bogu. On je bio čovjek velike rječitosti i ugledan propovjednik. Islam je živa vjera, rekao je, i ako ga slijedi čovjek može izgraditi kontakt sa svojim Stvaraocem i ući u zajedništvo s Njim. Učenja sadržana u Časnom Kur'anu i objavljena u islamu, načinjena su da čovjeka uzdignu do moralnog, intelektualnog i duhovnog savršenstva.

Hazreti Mirza Ghulam Ahmad je počeo primati otkrovenja od Boga u svojoj 40-oj, i nastavio ih je primati u neprekinutom slijedu, dok nije umro u 73-oj godini.

On je 1891. godine objavio da je Bog odabrao njega kao Mesiju koji je obećan u proročanstvima Biblije i Časnog Kur'ana.

## **CILJ NJEGOVOG DOLASKA**

Obećani Mesija piše: "Kada je Svemogući Bog uvidio da je svijet zakoračio u propasti, prijestupe i grijehe, On je uzdigao mene da ga povučem iz stanja propadanja i naredio mi da propovijedam istinu i odvratim svijet od zala u koje je zapao. Tako, tačno u vrijeme kad je trinaesti vijek po Hidžri (muslimanskom kalendaru) bio pri kraju i svijet ušao u četrnaesti vijek, ja sam objavio svoju misiju kao poslušnost Božijoj Zapovijedi, i dao sam do znanja ljudima kroz moje riječi i pisanja da sam ja 'REFORMATOR', obećan da ću se pojaviti na

početku četrnaestog vijeka za obnovu (reformu) vjere, tako da na zemlji ponovo učvrstim vjeru koja je nestala s njenog lica, i da, potpomognut od Boga, moćnom privlačnom snagom Njegove ruke, svijet povučem ka istinitim vrlinama, pobožnosti i pravednosti i da uklonim greške koje prevladavaju u učenjima (doktrinama) i praksi.

Vladar nebesa i zemlje me poslao da svijet dovedem natrag Bogu i Njegovom poslaniku Muhammedu, neka je mir i Božiji blagoslov na njega, kojeg su oni zapostavili i napustili, i da propovijedam Njegovu riječ narodima i da ih vratim u Njegovo kraljevstvo i da vratim one koji su postali odvojeni od Njega; i da dadnem vjeru onima bez vjere, oči slijepim i uši gluhim; i da izliječim ona tijela koja su bila izopačena pokvarenošću; i da uzdignem mrtve; i da probudim one koji su se uspavali; i da pomirim one koji su otuđeni; i da promijenim one koji su korumpirani; da dignem one koji su pali; da pomognem one koji su bespomoćni; i da otvorim kapije nebeskog kraljevstva onima koji su odbačeni." (Review of Religion)

U martu 1889., hazreti Mirza Ghulam Ahmad je osnovao Ahmadija pokret u islamu.

U vrijeme njegove smrti broj njegovih sljedbenika nije prelazio pola miliona i samo nekoliko ih je živjelo izvan Indije.

Pokret sada ima oko 200 miliona članova. Njegovi ogranci su osnovani po cijelom svijetu, na svakom kontinentu. Smatra se najdinamičnijim misionarskim Pokretom u islamu. Njegovi članovi su postavili jedinstven primjer održavanja moralnih i duhovnih vrijednosti islama.

Ovo nije djelo čovjeka; ovo je manifestacija Božije milosti.

Obećani Mesija je rekao:

"Želim dati do znanja svim muslimanima, kršćanima, i pripadnicima hindu i arija vjere, da ja nemam neprijatelja na svijetu. Ja volim čovječanstvo kao što nježna i odana majka voli

svoju djecu, čak i više. Jedino sam neprijatelj pogrešnih vjerovanja i učenja koja samo potkopavaju istinu. Moja dužnost je da budem nadahnut saosjećanjem prema mojim bližnjima. Moj princip je da mrzim neistinitost, "širk" (postavljanje ravnih Bogu), nepravdu i nesavjesnost (zloupotrebu službe i nesavjesne postupke) i loše i nečasno ponašanje." (Arbaeen)

Obećani Mesija je napisao:

«Zapamtite da me je Bog obavijestio o mnogim zemljotresima. Budite sigurni, zato, da će zemljotresi koji su potresli Ameriku i Evropu, tako potresti Aziju. Neki od njih će ličiti na Kijametski dan. Toliko će mnogo ljudi pomrijeti da će teći potoci krvi. Čak ni ptice ni životinje neće biti zaštićene od smrti. Pustoš i uništenje, koji će biti najveći od rađanja čovjeka, pomest će lice zemlje. Nastambe će biti razorene kao da nikad niko u njima nije živio. Uz ovo će biti mnogi drugi kijameti koje će zemlja i nebesa odaslati, sve dok čudna, izvanredna priroda ovih pojava ne postane dokazana svakom razumnom čovjeku. Sva literatura, nauka i filozofija neće uspjeti dokazati i razložiti nešto poput ovoga. Čovječanstvo će biti uveliko izmoreno i pitat će se šta će se još dogoditi. Mnogi će izbjeći, a mnogi će nestati. Dani su blizu, zapravo, ja ih mogu vidjeti nadohvat ruke, kad će se svijet uvjeriti u strašan prizor. Ne samo zemljotresi nego će, također, mnoge strašne nesreće zadesiti čovjeka, neke iz vasiona, a neke sa zemlje. Ovo će se dogoditi zato što su ljudi cijelim svojim srcem, snagom i pažnjom postali izgubljeni u ovosvjetskim poslovima. Da ja nisam došao, ove bi nedaće možda bile malo odgođene. Ali s mojim dolaskom, zagonetne namjere uvrijeđenog Boga koji nije bio poštovan, koje su dosad bile skrivene, postale su očigledne.

Svemogući Bog kaže: 'Mi nikad ne kažnjavamo ukoliko nismo poslali poslanika.' Oni koji se pokaju naći će sigurnost, i njima i onima koji se boje prije nego što ih nesreća zadesi, bit će

pokazana milost. Da li mislite da ćete vi biti zaštićeni od ovih nesreća? Ili, možete li se spasiti lukavstvom ili nekim planom? Zaista ne. Tog dana će svi ljudski sistemi propasti. Nemojte misliti da su zemljotresi posjetili Ameriku i druge kontinente, a da će vaša zemlja ostati sigurna. Zaista, vi ćete možda doživjeti veće nevolje. O Evropo, ti nisi mirno mjesto. I, o Azijo, ti isto tako nisi sigurno mjesto. O ljudi, stanovnici Ostrva, ne postoji nijedan vaš izmišljeni bog koji vam može pomoći. Ja gledam uništena naselja i gradove kako padaju. Jedini Bog je zadugo šutio, a pred Njegovim očima su počinjena odvratna i gnusna djela. I On ništa nije rekao. No, sad će se On javiti sa svim Svojim gnjevom i On će pokazati Svoje moćno lice. Vrijeme za ovo nije daleko. Ko ima uši neka čuje da to vrijeme nije daleko. Ja sam se trudio da ujedinim sve ljude pod Božiji spas, ali to je bila odredba koja se morala ispuniti. Ja vam kazujem cijelu istinu da se bliži određeni rok ove zemlje. Vi ćete svojim očima vidjeti Nuhovo vrijeme. I vidjet ćete svojim očima priču o Lutu. A Bog je spor u Svojoj kazni. Tražite oprost da dobijete Božiju milost. Ko god je napustio Boga on je kao mrav a ne ljudsko biće. Ko god se Njega ne boji nije živ, nego mrtav.»

(Haqiqatul Wahi, str. 256-257)

Ako trebate više informacija o Ahmadija Muslimanskom Džematu mi vam preporučujemo slijedeću literaturu na bosanskom jeziku:

Filozofija učenja Islama • Osnovne i bitne informacije o Ahmedijanstvu • Istina o Ahmedijama i njihovom svetom osnivaču • Knjiga o namazu • Preporod vjere • Ljubaznost Časnog Poslanika prema djeci • Ahmad i Sara • Ahmad i Sara idu u džamiju • Molba za našu i sestre • Zašto sam postao Ahmadi • Poruka mira • Ahmadija Muslimanski Džemat - kratak uvod • Odgovor na primjedbe protiv Ahmadija i njihovog osnivača • Naše učenje • Odabrane izreke Časnog Poslanika Islama • Odabrane izreke Obećanog Mesije • Odabrane izreke iz Časnog Kur'ana • Hazrat Ahmad - Obećani Mesija • Liflete na različite teme: Isa a.s., Islam, Ahmadija Džemat... • Halifat u Ahmadijatu • Hazreti Ahmad - Obećani Mesija

Bilo kakve informacije o Islamu ili literaturu na raznim jezicima možete dobiti u našim centrima:

### **BOSNA I HERCEGOVINA**

Ahmadiyya Muslim Jamaat

Novi Grad, Tuzlanska 1B

71000 Sarajevo

Tel./Fax: 00 387 33 612 612

### **NJEMAČKA**

Ahmadiyya Muslim Jamaat

Bosnian Desk

Genfer str. 11

D-60437 Frankfurt/M

Tel.: 00 49 69 50688600

Fax: 00 49 69 50688666

---

THE PROMISED MESSIAH HAS COME

(Bosnian)

- March 2005 -